

MIPHUTUMO YA KHASITOMO YA SARS YI RINGANA NA KWALOMUYA KA R90 MILIYONI

Pretoria, 19 N'wendzamhala 2018 – Eka timhangu timbirhi to hambana, vatirhi va Khasitomo va Vukorhokeri bya Xibalo bya Afrika-Dzonga va tekile Acetantranil – xidzidziharisi lexi tirhisiwaka kumbe xi hlanganisiwaka na ku tumbuluxiwa ka Mandrax – leyi tikaka 1600kg na yin'wana ya 1581kg, hi ku landzelelana, leyi pimanyetiweke eka R90-milijoni eRivaleni ra Swihahampfhuka ra Misava Hinkwayo ra OR Tambo (ORTIA) eka masiku mambirhi lawa ya nga hundza.

Laboretari ya Vukorhokeri bya Forensiki (FSL) ya Vukorhokeri bya Maphorisa bya Afrika-Dzonga (SAPS) yi tiyisisile leswaku swidzidziharisi leswi swi na nxavo wa le makete lowu pimayetiweke eka R90 milijoni.

SARS yi yisile nhundzu eka SAPS ku lavisisiwa ku ya emahlweni.

Eka mhangu yin'wana eORTIA hi Ravuntlhanu vhiki leri nga hundza, nhundzu ya 241 920 wa Tiphilisi to Ndlamuxa swa Masangu leti durhaka R24 192 000.00, ti tekiwile enkarhini wa nkambelo. Tinhundzu ti yisiwie eka Port Health ku lavisisiwa ku ya emahlweni.

EDurban emasunguleni ya vhiki leri nga hundza, muhlapfa loyi a nyikeke swo ba mati tingwenya ti etlela eka mutirhi wa Khasitomo u humelelerile eKhoti yo Hlawuleka ya Milandzu swa Mabindzu ya le Durban. Muehleteleriwa a tiyimiserile ku tirhisa swo ba mati tingwenya ti etlela leswaku thiraka leyi a yi khomiwile na ndzhwalo wa yona wa xihoko yi ntshuxiwa laha Swibalo swa Khasitomo na Ekisayizi eka xihoko a swi ri R1 200 000.00.

Enkarhini wo khomiwa, muehleteleriwa a khomile inivhoyisi ya vuxisi, a vula leswaku xihoko xi nyikiwile hi xitolo lexi tivekaka xa le Gauteng.

Endzhaku ka ndzavisiso ku ya emahlweni, muehleteleriwa u tsandzekile ku nyika nhlamuselo yo twala kumbe vumbhoni bya laha ndzhwalo wa xihoko wu kumiweke kona. Tanihi mbuyelo, vaofisiri va nyikile muehleteleriwa Papila ra Xikongomelo ro khoma thiraka na ndzhwalo wa yona.

Swi fanele swi tiyisiwa leswaku ku hava tiko leri nga khumbhiweku hi vugevenga lebyi, SARS, tanihi ejensi leyi nga na vutihlamuleri byo hlengeleta mali ya tiko, yi ta tshama yi ri xikongomiso eka swigevenga. Ku lwa na vukungundwana swi na nkoka eka SARS tanihileswi hi ya ka emahlweni na rendzo ra hina ro aka hi vuntshwa ntshembheko. Tanihisweswo, muofisiri wa Khasitomo eDurban loyi a aleke swo ba mati tingwenya ti etlela u khensiwile ku va a amukerile xikombelo xo ala ku va na vukungundwana.

[Tlilika laha ku vona swifaniso.](#)